

wine.ba

Najbolje iskustvo s vinom je lično

Mnogo je priča o vinu, ali često je najukusnije i najbolje ono koje ste popili u društvu dragih ljudi, na terasi pored mora, a da niste ni obratili pažnju na bocu koja je sve vrijeme bila na stolu



Napisao **Amir Beširević**

Kada zastanete i razmislite, shvatit ćete da je to bilo baš ono vino koje sam vam ja preporučio. Neki će reći ne, dopalo mi se i vino kojeg mi je poklonio drug iz školskih dana i baš kada mi je predavao poklon rekao je: "Ovo ti se mora dopasti, jer godina berbe govori u prilog tome".

Mnogo je priča o vinu, ali često je najukusnije i najbolje ono koje ste popili u društvu dragih ljudi, na terasi pored mora, a da niste ni obratili pažnju na bocu koja je sve vrijeme bila na stolu.

Na ljude koji piju vino utiču i mnogi vanjski faktori, od oblika čaše u kojoj se servira do dijela dana kada se vino pije. Kada neko govori o vinu, ljudi ga uzimaju zdravo za gotovo: svi znaju da se vino treba piti iz odgovarajućih čaša, na određenoj temperaturi i u dobrom društvu. Tada nikome nije bitno koja je godina berbe i uz koja jela se vino pije.

Ipak, nije sve tako jednostavno. Nakon godina iskustva s vinom, poželjeo sam napisati nešto više o brandu Mezzo Forte, iz 2006. godine. Za ovo vino proizvođači kažu da je punih osamnaest mjeseci sazrijevalo u velikim hrastovim bačvama, te da sadrži 14 posto alkohola. Za potpun užitek treba se prilagoditi i temperatura serviranja, koja varira od 18 do 22 stepena.

Međutim, mene je privuklo samo ime vina – Mezzo Forte. Dugo sam razmišljao o tome i već nakon prvog sipanja u čašu shvatio kako Mezzo Forte nikako nema pola snage već punu snagu boje, okusa i mirisa Mediterana.

Ukoliko se na stolu nađe i govede ili teleće meso, Mezzo Forte će biti ispravan izbor. Za one željne suhog mesa ovo vino je također odličan saputnik i ispravan izbor. Mezzo Forte zadržava izvanredan ukus te ga možete piti u kući poslovnog partnera, šefa ili drage osobe s kojom ste odlučili provesti dan u prirodi.

Mezzo Forte je vino koje donosi radost, budi emocije i potiče na akciju sve dok ga pijete. Neko je rekao da je dobro vino poput poezije, jer ne znamo o čemu je pjesnik razmišljao kada je pisao, ono što znamo je kako smo se osjećali kada smo pjesmu čitali. Ljudi su različiti pa su i njihovi ukusi drugačiji, ali je u tome iskonska ljepota, jer vino i slavi različitost.

